

Lingzyinz Gyagiengz Doxgap Yunggh Vunz Guhhong Dem Lai Roenloh Couhnieb

凌云加强劳务协作扩展就业空间

Gyawj geij bi neix, Lingzyinz Yen gaenxmaenx hwnqguh bingzdaiz、guh sonlienx、ok ngaenz、caeuq lai fueng doxgap、“diemj doiq diemj” soengq vunz guhhong daengj, gyagiengz Sinhcin Si Bwzswz Si doxgap yunggh vunz guhhong, coicaenh bouxguhhong senj dieg couhnieb, miz ngaenz roengz daeh.

Bi 2023 doxdaeuj, Lingzyinz Yen doiqciep Sinhcin Si Yenzdenz Gih guh hozdung ciu vunz, aeu gunghcunghau、doengh aen ginz

veizsin caeuq aen daihbingz yienhsingz daengj doisoengq 4000 lai aen vihhong ciu vunz, bi 2023 miz 2784 vunz ra ndaej hong.

Aen yienh neix lij dazyinx caeuq gujli gwnzbiengz gak gyaiq gaenxmaenx camgya sonlienx dinfwngz. Bi 2023, Lingzyinz gungh hai le 32 geiz sonlienx dinfwngz gven-daengz cahceh、canjceh、ciengxlaux fugsah daengj, gungh sonlienx 1539 vunz.

Aen yienh neix yunggh ndei aen

vunqsik “it sinhcingj song wngqcingz”, hawj bouxduetgungz ok swngjrog bae dajgoeng haenx moix vunz it mbat fat 800 maenz guh ngaenzci baedauq. Bi 2023 hawj 8751 vunz fat le ngaenzci bangbouj, gungh fat ok 700.11 fanh maenz ngaenz.

Lingzyinz Yen gyagiengz gietdoiq bangrex sonlienx. Dieg de caeuq Bwzswz Si Gunghyez Yozyen haeujlaeg doxgap, youq aen hoih ciu vunz、gunghcunghau veizsin daengj bang giyez fatbough siusik vihhong, hawj

cwngfuj、hagdangz、giyez doxgap engq gaenjmaed.

Lingzyinz Yen lij soengq vunz bae guhhong, hawj gyoengqde ok bakranz couh ndaej hwnj ci, roengz ci couh ndaej haeuj cangj, caiq cujeiz bouxgagnyienh fat aen bau simndei dem. Bi 2023, yienh de hai le 40 dangq ci “diemj doiq diemj” soengq vunz bae guhhong, hawj 1708 vunz mbouj aeu hai ngaenzci couh ndaej dauqma guhhong.

(Lij Sunvaz/李顺华)



Aen Hidungj Gaiqdoeg Gamlauz Hingzcwng Swhfaz Gvangjsih Haiguh Hozdung Haeuj Hagdangz Lwnh Fapceih

广西司法行政监狱戒毒系统启动法治宣传进校园活动

1 nyied 6 hauh, vih ciepcoux daihseiq aen “Ciet Cunghgoz Yinzminz Gingjaz”, Aen Hidungj Gaiqdoeg Gamlauz Hingzcwng Swhfaz Gvangjsih youq Nanzningz Si Minzczuz Gvangjancz haiguh aen yizsiz “fap nyinh nyzrauh henhoh majhung” haeuj hagdangz lwnh fapceih. Yienhciegz miz lwnhgangj fapceih、duenz cihisiz gimqdoeg miz ciengj、langhbaij cangboiq gingjaz、gou yaek dang gingjaz daengj hozdung lai yiengh, yinx le haujlai lwngyez caeuq bohmech camgya.

(Yi Sienghceenz/喻湘泉)

Cauhbingz Guh Buek Hozdung “Vanjvei Lajmbanj” Coux Bimoq

昭平开展“村晚”迎新年系列活动

Mboengqneix, Cauhbingz Yen cujeiz gak aen mbanj dieg de guh buek hozdung “vanjvei lajmbanj” coux bimoq. Gyoengqvunz langhbaij dinfwngz caeuq yienghndei, eu fwen diuq foux haenhdanq ndwenngoenz moq vuenyungz. Aen vanjvei Senhveiz Yauzczuz Yangh Mbanjcazsanx daegbied nauhyied, miz fwen 《Naeuzciengq Lenjbuj》、foux Yauzczuz 《Foux Gyongnyag》、siujdiuh 《Buet Sei q Baez》 daengj 20 lai aen cezmu

ndei yawj. Gij hozdung Cauhbingz Cin Mbanjgyanghouj caemh gig mizyinx, 20 lai aen doih biuyienj le 《Cieng Cungguk Angqyangz》《Cungguk Miz Rengzhoengh》 daengj 36 aen cezmu vwnzyi. Gij hozdung “vanjvei lajmbanj” hawj gij saedceij vunz lai gak minzczuz bienq ndaej engq mizyinx, hawj vunz lai engq rox rimhoz、vuenyungz.

(Coux Ancingh/周岸青 Luz Cungzvaz/卢从华 Dangh Yihyih/汤依依)



▲ Vanjvei yienhciegz vunz lai vunz daih.



▲ Hekyouz youq ndawsuen mbaet makhouj.

Mungzsanx:Gij Makhouj Mbouj Aeu Doem Ndaem De Yinx Hek Daeuj

蒙山:无土种植草莓引客来

1 nyied 7 hauh, youq Aen Dieggiek Civei Guhyienh Dajndaem Byaek laeng Mungzsanx Yen Mungzsanx Cin Mbanjbwzlouz, hekyouz sim’angq mbaet gij makhouj mbouj aeu doem ndaem haenx. Bineix, aen dieggiek neix daj Gvangjdungh yinx haeuj cienzgaenz caeuq gisuz, aeu gij vunqsik “gunghswx + ranzguhaz + dieggiek + dangjehbu”, youq ndawraemx dajndaem gohuq lumjbaenz makhouj、makyungz daengj. Ngoenzde, makhouj buek daih’ it ndaej sou lo, aen dieggiek de hai suen, yinx le haujlai hekyouz bae mbaet mak、cimzgwn、cawx mak, makhouj siu ndaej vaiqvut.

(Gyangh Yungjluz/江永录)